

A- Čoahkkinbeavdegirji

RiddoDuottarMuseat

Čoahkkin Dáiddamagasiinnas, Kárášjogas 20.03.23 diibmu 10:00-15:30

Oasseváldit:

Marit Meløy	Stivrajođiheadji
Nils Johan Heatta	Nubbijođiheadji
Hilde Skanke	Stivralahttu
Klemet Amund Eira	Várrelahttu
Margrethe Vars	Bargiidovddasteaddji/stivralahttu.
Anne May Olli	Čálli.
Tore-Jan Gjerpe	Guossi (SVD- eaiggátvuodđudusa ovddasteaddji, ii konstituerejuvvon)
Ingvald Laiti	Rehketdoalli, ášši 4/23

Maŋŋel stivračoahkkima lei oahpisteapmi Sámi dáiddaguovddázis, doppe lei Sisaoastinlávdegotti čájáhus.

Viiban: Svein Atle Somby, Sten Magnar Nikodemussen

Ášši:

1-2023 čoahkkingohččuma ja áššelisttu dohkkeheapmi

Mearrádus: Čoahkkingohččun ja áššelisttu dohkkehuvvui ovttajienalaččat lasáhusain ahte SVD eaiggátvuodđudusa áirras Tore-Jan Gjerpes lea čoahkkin- ja hupmanriekti, muhto ii jienastanriekti.

2-2023 Protokolla vuolláičálliid váljen.

Marit Meløy ja Ellen Bals vállejuvuiga vuolláičállit otná protokolla. Ovttajienalaččat.

1. DIEHTOJUOHKINÁŠŠIT

3-2023 Diehtujuohkimat

- Rehketdoallu otnáži
- Mannan stivračoahkkima rájes (mo dilli ovddeš stivraáššiin)
- Bargit ledje rehketdoallokursas 17.1.
- Guovdageainnu gilišilju resepsuvnna ođasmahttin
- Sámiid Vuorká-Dávviriiin čáhcegolgan visttis. Dáhkádus ii govčča dán.
- Mii ohcat ođđa vistti Porsáŋggu Museii Leavnnjas.
- Máze referánsajoavku lea 15.3 geigen Sámediggái iežaset raportta.

-Sisaoastinlávdegoddi ja Dáiddamagasiidna lea doallan dáiddačájáhusa gos leat čájehan 2020-2022 oastimiid. Dát oastimat dahkkoje ruđaiguin maid Kulturdepartemeantta lei juolludan vel lassin Sámedikki juolludeapmái.

-Strategiijabarggu ovdáneapmi.

-Jáhkovuona mearrasámi musea servet ovttas Hámmerfeastta suohkaniin bargojovkui man bargun lea bargat Jáhkovuona gelbbolašvuodaguovddáža ásaheimiin. Mii geahčadit heivešii go musea seamma báikái go diet guovddáš.

Mearrádus: Vuhtiiváldon.

2. Čuovvolanáššit

Eai leat áššit

3. Mearrádusáššit

Ášši 4-2023

2022 jahkerekhetdoallu

1) Dokumeanttat:

- Averdi čilge rehketoalu
- 2022 almmolaš rehketoallu

2) Áššečielggadeapmi:

RDM doaibmaboađus lea 472 888,- badjebázan.

Badjebáhcaga dahket 125 000 ruvnno Sámedikki liigejuolludeapmi mii máksui juovlamánu, 200 000 ruvnno juolludeapmi viessoláiggu gokčat (visti man eat sáhtttán geavahit, ja mii ain ohcat eará vistti) ja 167 041 ruvnno reanttut maid eat lean bušetteren.

RDM ledje 2022:s 19 jahkedoaimma ja buozalmasjávkan lei 2 %.

3) Mearrádusevttohus: 2022 jahkerekhetdoallu dohkkehuvvo.

4) Mearrádus: 2022 jahkerekhetdoallu dohkkehuvvo, rehketoallodárkkisteadji dohkkehemiin.

Ášši 5-2023

2022 jahkedieđáhus

1) Áššebáhpirat:

- 2022 jahkedieđáhus

2) Áššemeannudeapmi:

2022:s leat leamaš ollu dáhpáhusat RDM museain. Jáhkovuona mearrasámi musea ávvudii 30 jagi ja Sámi Vuorkká-Dávvirat ges 50 jagi. RDM oaččui goavdása eaiggátvuoda Dánmárkkus, RDM museabargit leat maid leamaš sihke Eurohpás ja USA:s geahčcame eará museain sámi

čoakkáldagaid.

Guosselogut čájehit ahte RDM museain leat fas eambbo guossit. Guovdageainnu Gilišiljus ges leat leamaš earenoamáš ollu guossit, dan dihte go musea lea leamaš čoahkkananbáikin diibmá. Olles RDM logut čájehit ahte diimmá ektui lea guosselohku lassánan 72,3%, muhto 2019 ektui lea lassáneapmi duššo 8,93%. Guosselogut čájehit ahte olbmot fitnet RDM museain eambbo go ovdal. Ággan dasa soaitá ahte museat ožžon eambbo fuomášumi maŋemus jagiid.

Sámi dáidda lea beaggán riikkaidgaskasaš arenain, nugo Venezia biennalas, lea sámi dáidda ožžon ollu fuomášumi. Nationálmusea rahpamis Oslos oaččui maid sámi dáidda stuorit čájáhusarena ja fuomášumi. Lea illudahtti Nationálmusea lea diđolaš iežas rollas ja ahte sii fáttmastit sihke sámi dáiddáriid ja sámi dáiddamusea iežaset bargui.

RDM vihku ain ahte lea bivnnut váldit luoikkas sámi dáidagiid. 2022:s olahii huksenášši politihkkariid beavdá. Maŋná go konseptaguorahallan addui 2021 juovlamánu, lea Sámediggi giedahallan ášši ja geassemánus dievasčoahkkin dagai mearrádusa áššis. Golggotmánu juolludii ráđđehus 2023 bušehtti 5 miljovna ollašuttit ođđa vistti huksenplánaid.

3) Mearrádus evttohus: Dohkkehit 2022 jahkedieđáhusa

4) Mearrádus:

Jahkedieđáhus dohkkehuvo rievdadusaiguin maid čoahkkimis dahke. Ovttajienalaččat.

Ášši 7-2023

Doaibma- ja gaskkustanplána 2023-2024

1) Dokumeanttat:

- 2023-2024 Doaibma- ja gaskkustanplána SISKKÁLDAS
- Museahtalaš njuolggadusčálus:
<https://www.kulturradet.no/documents/10157/2bcf94db-d79d-4b5f-834b-384ea304580f>

2) Áššečielggadeapmi:

RDM 2023-2024 Doaibma- ja gaskkustanplánas, leat ossodagaid váldovuoruheamit dán áigodahkii. Doaimmat čuvvot ja organiserejuvvojit museaid njealji F-a mielde (dáru F:at); hálddašeapmi, ođasmahttin, gaskkusteapmi ja dutkan, dát leat ossodagaid mihtut. Dás boahdet maid ovdan ossodagaid plánejuvvon gaskkustandoaimmat. Plána geavahuvo siskkáldasat. Dávjá jerrojuvvo bidjat gaskkustanplánaid neahttasiidui jna. muhto mis ii leat leamaš dáhpin dan čájehit almmolašvuhtii.

RDM museat čuvvot museaid unnimusmeari – ICOMa musea ehtalaš njuolggadusain (geahča liŋkka);

1. Museat seailuhit, dulkojit ja ovddidit olbmo luonddu- ja kulturárbbi.
2. Museat hálddašit čoakkáldagaid servodaga ovddas ja buorin servvodatovdáneapmái.
3. Museat fuolahit máhtoávdnema ja čieknudeami vuodđogálduid.
4. Museat dahket vejolažžan árvvusatnit, illudit, ipmirdit ja fuolahit luonddu- ja kulturárbbi.

5. Museain leat resurssat mat addet vejolašvuodaid eará servvodatlaš bálvalusaide ja buriide.
6. Museat ovttasbarget servodagain gos čoakkáldat bohtá ja servodagain maid sii bálvalit.
7. Museat barget lágalaš rámmaid siskkobealde.
8. Museat barget fágalaš ja ámmátlaš prinsihpaid vuodul.

Sámi museat háliidit doaimmahit museaid servvodatrolla sámi geahččanguovllus. RDM háliida bargat kultuvrralaččat ja árbevirolaččat daiguin gávcciin namuhuvvon čuoggáin. Doaimmaplána bokte čalmmustahttet RDM ossodagat doaimmaid maiguin leat bargame.

Sámediggi deattuha giellageavaheami iežaset doaimbajuolludaneavttuin. Museat ja sámi dáiddamagasiidna fertejit čalmmustahttit sáme giela eambo go ovdal ja vuohki movt dan dahkat lea geavahišgoahit giela eambo.

3) Mearrádus evttohus:

Hálddahus

1. Čuovvulit Kárášjoga huksenášši
2. Loktet vistegáhttema ja konserverema
3. Nanosmahttit RDM planverk

Sámiid vuorká-Dávvirat/De Samiske Samlinger:

1. Huksenášši: SVD ja Dáiddamagasiinna oččodit ovtta vistái. SVD/Dáiddamusea museaviessu
2. SVD čoakkáldathálldašeapmi – SVD čoakkáldagain bargat
3. Ovdaprošeakta “Sámi dávvirvuorká Storra Británias ja USA:s – Sámi collections in the United Kingdom and USA.”

Porsáγγgu musea/Porsanger museum/Porsangin museumi

1. Strategalaš plánen: Arenaovdánahttin
2. Ođđasis organiseret ráju.
3. Organiseret ja Primusii registreret dávvirčoakkáldaga.

Jáhkovuona mearrasámi musea/Kokelv sjøsamiske museum

1. Čoakkáldathálldašeapmi. Registreren, Primus
2. Gárvet «gammelnaustprosjektet»
3. Čalmmustahttin, gaskkusteapmi ja doaimmat Jáhkovuona mearrasámi museas ja guovllus.

Guovdageaidnu gilišillju / Kautokeino bygdetun

1. Dokumenteret Guovdageainnu-Áltá čázadat ášši.
2. Musea ordnet
3. Báikkálaš ovttasbargu

Dáiddamágasiidna/Kunstmagasinet

1. Huksenášši: SVD ja Dáiddamagasiinna oččodit ovttá vistái. SVD/Dáiddamusea museaviessu
 2. 2020-2022 sisaoastinčájáhusa čájáhusrahpan guovvamánu 5.b
 3. Čađahit dáiddárproševtta *Annelise Josefsen* Porsáŋgu museain geassemánu – golggotmánu, 2023
 4. Viiddidit lokalitehtaid, dáiddamagasiinna.
 5. Ođđasit organiseret dáiddasajusteami.
- 4) Mearráduš: 2023-2024 váldovuoruheamit dohkkehuvvojit. Doaibma ja gaskkustanplána čuvgejuvvui.

Ášši 6-2023

2024 bušeahtacealkámuš

- 1) Dokumeanttat:
- 2) Áššečielggadeapmi:

RiddoDuottarMuseats museain leat ollu bargosuorggit. Mii bargat ollu bargovuoruhemiin ja bargoválljemiin go galgat min ekonomalaš- ja olmmošlaš rámmaid siskkobealde bargat. RDM stivra lea mángga budjeahtacealkámušas čielgasit čujuhan museaid váilevaš juolludemiide museaid servvodatbarggu ektui. Ivttá beaivi lea otne historján, ja museaid bargu lea dássálagaid gáhttet ja gaskkustit ivttá beaivi (dálááigedokumenteren) ja dološ áiggi (historjjálaš dokumentašuvdna).

Okta dain stuorámuš ekonomalaš hástalusain maŋemus jagi lea go gálvu ja bálvalusat leat divron. 2022 lea konsumhaddeindeaksa loktanán 7 % ja bálkálássáneapmi 4,6 % (veardida SSB¹). Norges Bank vuordá bálkálássáneami loktanit 4,6% ja haddelassáneapmi 4,5% 2023 ja 3,1% 2024. Dat mearkkaša ahte juolludeamit maid RDM ožžot albmilmis njidjet jus eai dasa rehkenaste lassin hadde- ja bálkálássáneami, ja dasa lassin museaid viiddidandárbbuid. 2023:s fertejit Finnmárkkus máksigoahtit 5% bargoaddidivvagiid bálkkáin mat leat badjel 750 000,-, dat guoská direktvrra bálkái.

¹ www.ssb.no

Mánŋa jagi lea Kárášjoga gieldda ja Guovdageainnu suohkana juolludeamit bisson seamma dásis. Dat mearka ahte albmailmmis leat juolludeamit njiedjan, go eai leat rehkenastán hadde- ja bálkálássánemiid juolludemiide. Ovdamearka lea 2016 juolludeapmi mii lei 200 000 ruvno, dat galggašii dál leat 237 000,- (haddekalkuláhtor SSB). Dat vurdojuvvo ahte jahkásaš juolludeamit suohkaniin unnimusat čuvvot jahkásaš hadde- ja bálkálássáneami. Porsáŋggu gieldda lea 2022:s 2023:i hui ollu lasihan doaibmajuolludeami, badjel 100% lassáneapmi. Hámmerfeastta suohkan gal lea čuvvon dábálaš hadde- ja bálkálássánan proseantta juolludeamis.

Tromssa ja Finnmárkku fylkagieldda lea lasihan doarjaga RDM:i 2022:s 2023:i 271 300 ruvnuin. Dat lea 51,31% lasáhus. Dat lea buorre lasáhus jahkásaš juolludeapmái, muhto lea dárbu ahte fylkka addá stuorát oasi juogadančovdosis go dán rádjái lea dáhkán. Fylkkas lea dárbu nannet visttesuddjema. Mii leat ovdal dieđihan ahte dárbbášit fylkajuolludeami leat 1 500 000 ruvno ja mii doalahit dan mearrádusa. Dat mearkaš 87,5% lassáneapmi 2023:s 2024:i.

RiddoDuottarMuseat lea čadnon tariffašiehtadussii – Lansoverenskomsten for museer og andre kulturinstitusjoner. 2022:s čanaimet tariffašiehtadussii mii dagahii ahte bargit biddjoje eará bálkásystemii. Dan tariffašiehtadusas meroštallui 3,7% (frontfagsrammen). RDM vuohtta ahte ođđa bálkásystema attii váikkuhusaid maid eat lean vuordán go bijaimet muhtin dain vuollegeamos bálkkáin eará virgekodaide. Muhtin bargiin loktanii bálká, eambbogo njunuš fágáramma dahká. Dat dagaha ahte RDM:s, gii lea čadnon tariffaide, leat lassánan bálkágolot maid ferte gokčat.

RDM oaččui 2022:s 500 000 ruvno gokčat čoakkáldat hálddašan dárbbuid. 2023 doaibmadoarjja lea unnon 300 000 ruvnuin. Resursadárbbut eai njieja muhto lassánit. Resursa lea čoakkáldat hálddašan bargu, dat galgá juohke dávvira mii bohtá sisa registreret, dokumenteret, katalogiseret, digitaliseret ja eará, dasa lassan galgá bargat luoikkahemiin mii gullá gaskkustanbargui.

Sámedikki plenummearrádusas áššis 29/21 lohpidii Sámediggi čuovvulit *RiddoDuottarMuseat doarjaga doaibma lassáneami dihte ja resurssa dárbbuid mat gusket gaskkusteami lassáneapmái ja vai čoakkáldathálddašeapmi buorrána*. Lea hui váidalahtti go duohta ilmmis de čuohpasteimmet dán olmmošlaš resurssa 2022:s gitta 2023:i. Sámedikki 2023 budjeahttemearrádusas čuožžu ahte *sámi dáiddačoakkáldat stuorru ja sámi museaid dáiddahálddašeapmi guovdilasto. Dáiddafágalaččat ja vuođđostruktuvrralaš bargu ferte nanosnuvvat, seammás ferte gaskkustanbargu museain nanosnuvvat*.

Lea váidalahtti go čoakkáldathálddašeami olmmošlaš resurssa čuohpastuvvui ja dárbbášit ahte Sámediggi juo 2023:s buhtada dán dahje mañemusat 2024 doaibmadoarjagis.

Daid namuhuvvon hástalusaid geažil, divron gálvvut ja bálvalusat, elrávdnji ja bálká- de ii leat sisaboađu loktanemiin 2022:s gitta 2023:i addán museaide buoret doaibmavejolašvuođaid.

Jus sámi museat háliidit ovdánahttima ja galget sáhttit atnit iežaset vejolašvuođaid, de mii dárbbášit doaibmakapitála mii dahká ahte mii sáhttit gilvalit oažžumis buoremus fágabargiid ja ruđa mii dahká ahte mii beassat čuovvut iešguđet arenaid maidda Nationála museafierpmádat oassálastá. Mátkegolot leat lassánan ollu daid mañemus jagiid konsumhaddeindeavssa dihte ja jus RDM galgá leat árijjalaš ja bivnuhis ovttasbargoguoibmi de fertet mii oasálastit ja leat lahkosis.

Sámegiella lea dehálaš. RDM:s leat guokte hálddašangiela. Dat lea ádjái ja divrras doaimmahit musea guovtti gillii. Buot galgá jorgaluvvot, dárogielas sámegillii dahje nuppe guvlui. Lea váidalahtti ahte museat mat gullet Sámedikki vuollai eai oaččo guovttegielatruđaid liigejuolludeapmin. Prográmmagálvvut, nugo Primus, gáibida min ieža bargat sámegiela metadáhtain. Visot lea ádjái ja divrras, muhto eat oaččo resurssaid mat gáibiduvvoše vai sáhtášeimmet čuovvulit gáibádusaid. Mii dárbbášit maid giellakurssa bargiide. Jus sámegiella galgá nanosnuvvat de gáibiduvvojit dasa resurssat vai giellabargu ii dagat museafágalaš bargguid ovdii.

2024 ekonomalaš eavttut

Juolludeamit	2023 oassi	2024 oassi	Lassáneapmi 2023-> 2024	Juohkin
Sámediggi	14 057 000	15.181.560	8%	82,7%
Romssa- ja Finnmárkku Fylkkagiella	800 000	1.500.000	87,5%	8,2 %
Suohkanat	1 283 803	1.668.944	30%	9,1%
Oktiibuot	16.140.803	18.350.504		100%

3) Mearrádusevttohus:

RDM ávžžuha sámedikki loktet doaimmadoarjaga 8% 2024 rádjái.

RDM ávžžuha Romssa- ja Finnmárkku fylkagiella loktet doaimmadoarjaga 5% gitta 8,2% olles ruhtadeamis, vai lahkona 40-60 % juogu stáda ja regiiovna gaskkas.

RDM ávžžuha suohkaniid mat gullet RDM doaimmaguvlui lasihit doaimmadoarjaga 30 %

4) Mearrádus: *nu go lei evttohuvvon, muhto lasihit ođđa cealkkaosi: RDM ávžžuha RDM hálddašanguovllu suohkaniid lasihit doaimmadoarjagiid. Museat dárbbášit diehttevašvuođa ekonomalaš plánemis ja suohkaniid doarjagat leat dehálaččat báikkálašmuseaid ovdánahttimii. RDM bivdá suohkaniid lasihit doaimmadoarjagiid ekonomiiaplánaide ja ahte jahkásaččat lasihuvvo unnimusat jahkásaš hadde- ja bálkálásáhus. RDM sávvá gulahallančoahkkimiid suohkaniiguin digaštallat báikkálašmuseaid ovdánahttima. Ovttajienalaččat.*

Ášši 08-2023 Jahkásaš bálkášiehtadallamat gaskkal stivrra ja direktivrra

1) Áššečilgehus

Áššis 15/18 lea stivra addán fápmudusa stivrajođiheaddjái ja nuppijođiheaddjái šiehtadit bálkká direktivrrain, ja bálkášiehtadallamat leat čađahuvvon 2023 guovvamánu.

Direktevra gáibidii guokte bálkáceahki lassáneami, ja ákkastalai haddegoargnumiin. Gáibádusa čuovvovuvvui belohakkii, bálkálassánemiin ovttain bálkácehkiin 1.1.23 rájes 80 bálkáceahkis 81 bálkáceahkkái, Stáda bálkátabealla ektui váldotariffašiehtadusas LO/YS.

Direktevra lea cealkán ahte lea obbalaččat duhtavaš iežas bargošiehtadusain, vaikko bargoeavttut ledje sáhttit leat buorebut. Direktivevra čujuha hástalusaid go leat menddo unnán bargit doaimmaid ektui.

Lea šiehtaduvvon ahte čađahat jođiheaddjeságastallama direktivevrrain 2023 čavčča, mas stivrra jođiheaddji ja nubbijodiheddji oassálastiba stivrra bealis.

3) Mearrádusevttohus: Stivra váldá diehtun 2023 šiehtadallanbohtosa.

4) Mearrádus: Čuvgejuvvon.

Ášši 9-2023

2023 REVIDEREJUVVON Bušeahtta

1) Dokumeanttat:

- 2023 reviderejuvvon bušeahtta

2) Áššečielggadeapmi:

Juovlamánus 2022 go 2023 bušeahtta dohkkehuvvui, eat diehtán suohkaniid ja fylkka juolludemiid. Eat mii diehtán makkár ekonomalaš váikkuhusaid ođđa tariffašiehtadus attii RDM:i, eatge diehtán ahte 2023:s biddjo Finnmárukui maid 5% bargoaddiva bálkkáide mat leat badjel 750 000,-.

2022 loahpageahčen juolluduvvui 125 000,- liigejuolludeapmin, maid deavdit 2023 bušehtii. Dat mielddisbukta ahte stivra mearrida sirdit ruđa mearrádusas.

Porsángu lea lokten juolludeami 259 026 ruvnnos 564 584 ruvdnui, mii lea 117,96% lasáhus. Dán lasáhussii lea duođai dárbu, go mii galgat oažžut dan guokte RDM báikki Leavnngas seamma dáhki vuollái. Dat buktá buoret bargodili bargiide ja seammás sáhttit fállat buoret buktaga báikki olbmuid ja gussiide.

Hámmerfeasta lea lasihan juolludeami 3,7 % diimmáža rájes dán jahkái.

Kárášjohka ja Guovdageaidnu juolludeaba seamma mađe go diibmá, dasa ii leat rehkenaston hadde- ja bálkálassáneapmi.

Tromssa ja Finnmárku fylkasuohkan lea lasihan juolludeami RDM:i 271 300 ruvnnuin 2022:s 2023:i. Dat lea 51,31% lassáneapmi.

Juovlamánu bušeahttaevttohusas ledje elrávdnjegolut meroštallon 2022 loguid vuodul.

Davvi-Norggas leat elrávdnjehattit hui ollu loktan daidda gain lea searveoastinšiehtadus (guoská SVD:i), dan dihte ferte bušeahtta reviderejuvvot dan ektui, poasta lassána 250 000,-. Juovlamánus rievdadii stivračoahkkin stivrrahonoráraid, mii čuohcá dán jagi bušehtii 100 000 ruvnnuin.

Guovvamánu 1.b 2023 lei áigemearri gárvet ruovttusiiddu universála hábmema ektui. Go RDM bargiin ii lean máhttu eaige resurssat dán bargat lága ektui de ostiimet dán bálvalusa. Bálvalus poasta lassánii 75 000 ruvnnuin.

RiddoDuottarMuseat lea čadnon tariffašiehtadussii – Lansoverenskomsten for museer og andre kulturinstusjoner. 2022 čanaimet tariffašiehtadussii mii dagahii ahte bargit biddjoje eará bálkásystemii. Dan tariffašiehtadusas meroštallui 3,7% (frontfagsrammen). RDM vuohtta ahte ođđa bálkásystema attii váikkuhusaid maid eat lean vuordán go bijaimet muhtin dain vuollegeamos bálkkáin eará virgekodaide. Muhtin bargiin loktanii bálká, eambo go njunuš fágarámma dahká. Dat dagaha ahte RDM:s, gii lea čadnon tariffaide, leat loktanán bálkágolot maid ferte gokčat. Dat mearkkaša ahte RDM:s, mii lea čadnon tariffai, leat bálkágolot lassánan sullii 494 768,- dasa lea maid rehkenaston stivrrahonorárat ja direktivrra bálkásáhus. Dasa lassin dagaha ođđa bálkásystema jahkásaš loktaneami bálkáráidallasain, seammás go dábálaš bálkásáhusat bálkášiehtadallamiin dahkkojuvvojit. Dát poasta lea loktanán 4,88%. Doaibmabušehta eará lassáneamit leat 217160,-, mii lea 4,19% lasáhus. Dát lea eanas elrávdnji- ja viessoláiggu lassáneapmi.

Gokčan dihte dáid goluid de leat bušehtas unnidan goluid geassebargiide, visttegáhtten virgái ii biddjo bargi dan vuosttaš jahkebeali ja unnidit ruđaid bargiidčoahkkanemiide.

2023 ođđa rámmat šaddet:

Bargiidgolot	
RDM Hálddahus	3 698 843
SVD	2 347 161
GG	1 292 738
PM	1 159 695
JMM	706 832
Dáidda	1 437 198
Bargiidgolot oktiibuot	10 642 467
Eará doaibmagolot	
RDM Hálddahus	1 482 897
SVD	1 069 500
GG	426 900
PM	907 815
JMM	408 900
Dáidda	1 100 330
Eará doaibmagolot oktiibuot	5 396 342
Doaibmagolot oktiibuot	16 038 809

- 3) Mearrádusevttohus: 2023 reviderejuvvon bušeahtta dohkkehuvvo, oktan 2022 liigejuolludemiin mii lea 125 000 ruvno.
- 4) Mearrádus: Ovttajienalaččat dohkkehuvvon.

4. Digaštallanáššit

Eai leat áššit

5. Čoahkkáigeassu

Juohke okta oažžu sátnesaji.

Ášši 10-2023

Muđui

Eai leat áššit

Referáhtta duođastuvvo leat riehta:

_____(sign.)_____
Marit Meløy
Stivrajođiheaddji

_____(sign.)_____
Ellen Bals
Stivralahttu